

Terra Marturiata

Per tè, o terra marturiata
Da tante invasione
Sempre in lotta perpetuata,
Vogliu cantà le mio canzone ;
Tutta a to storia, di catene,
N'hè colma, eppò tantu spessu
U to populu era in pena,
Ma mai ùn era sottumessu.

Ripigliu:

Piglia volu l'acellu biancu di a pace
Messaggeru d'amore, è speranza dinù,
L'alba spunta di tante sufrenze à fà tace,
L'alba spunta di tumbà tutte e schjavitù.
Ma vecu per dumane un celu di billezza,
E un sole d'argentu chì ci splenderà,
L'avvene liberu d'a stampa d'a tristezza
Appacerà la to bramma di libertà.

Per tè, o terra incrucciata
Trà mare è monti alti,
A viulenza s'hè callata
Mentre 'ssi mille è mille assalti ;
Cantu in nome d'i to figlioli
Morti per un avvene novu,
Dipoi i tempi i più luntani,
Sin'à Niolu è Ponte Novu.

Per tè, o terra arradicata
A tanti ricordi cari
Oghje, quantunque, s'è piattata
Daretu affissi pubblicitari ;
Ti ghjurcu amore è fiduccia,
Per un avvene senza viulenza,
In lu mio core un fiore sbuccia

Chì hà per nome fratellenza.